



Broj: 12-08-6-4-89/2024
Sarajevo, 31.5.2024. godine

SVI SUDOVI U BiH

n/r predsjednika/ce suda

Predmet: *Zaključak Visokog sudskog i tužilačkog vijeća BiH u pogledu rješavanja predmeta iz planova rješavanja predmeta, dostavlja se*

Poštovani,

Na sjednici Visokog sudskog i tužilačkog vijeća Bosne i Hercegovine (u nastavku VSTV BiH) održanoj 15. i 16. maja 2024. godine razmatrana je **Informacija o kreiranim planovima rješavanja predmeta u sudovima za 2024. godinu kao i Informacija o realizaciji planova rješavanja predmeta za prvi kvartal 2024. godine**, a što je prethodno razmotreno i na sastancima Stalne komisije za efikasnost i kvalitet sudova (u nastavku Stalna komisija).

Primjena Uputstva za izradu planova rješavanja predmeta (u nastavku Uputstvo) počela je 2011. godine i rezultirala je ogromnim uticajem na smanjenje broja neriješenih nekomunalnih predmeta u sudovima u BiH, a što potvrđuje i podatak da je od 2011. godine do kraja marta 2024. godine, kroz planove rješavanja predmeta riješeno preko **1,8 miliona predmeta**.

S tim u vezi, sudovi ostvaruju značajno visoke procenete realizacije planova rješavanja predmeta (u 2022. godini 91%, u 2023. godini 92%), ali i **dalje najveći broj neriješenih predmeta ostaje upravo u dvije najstarije starosne kategorije predmeta iz planova rješavanja predmeta** što je identifikovano kroz različite analize koje su predmetom razmatranja kako od strane Stalne komisije, tako i VSTV-a BiH.

U pogledu prethodno navedenog, svjedoci smo brojnih napora koje zajednički ulažemo u svrhu pravilnog kreiranja planova rješavanja predmeta i dosljedne primjene odredbi Uputstva, a što se prije svega odnosi na aktivnosti uspostavljanja sistema ravnomjerne raspodjele predmeta između svih postupajućih sudija/stručnih saradnika u sudovima, kao preduslova rješavanja većeg broja predmeta sadržanih u planovima.

Saradnja VSTV-a BiH i predsjednika sudova, kroz aktivnosti relevantnih odjela Sekretarijata VSTV-a BiH, u pogledu uspostavljanja sistema ravnomjerne raspodjele predmeta podignuta je na veći nivo, pri čemu su sudovi u velikoj mjeri prihvatili upute i smjernice VSTV-a BiH i time osigurali rješavanje većeg broja predmeta.

Navedeno ističemo kao značajan faktor, kako za građane koji prije dolaze do konačnih sudskih odluka, tako i za postupajuće sudije kojima se na ovakav način osiguravaju jednaki početni



uslovi za ostvarenje očekivanih rezultata rada, a na osnovu čega se i ocjenjuju i ostvaruju napredak u karijeri.


Slijedom uzajamnog razumijevanja koje smo postigli u implementaciji dosadašnjih aktivnosti, vjerujemo da ćemo do kraja 2024. godine značajne napore usmjeriti na rješavanje najstarijih predmeta iz planova rješavanja predmeta, a kako bismo **smanjili prosječno trajanje sudskih postupaka i povećali zadovoljstvo korisnika uslugama suda.**


Istini na volju, rezultati realizacije planova rješavanja predmeta za prvi kvartal tekuće godine baziraju se uglavnom na visokim procentima riješenosti predmeta iz najmlađih starosnih kategorija, što nam nalaže podsjećanje na obaveze koje proizilaze iz odredbi Pravilnika o unutrašnjem sudskom poslovanju Bosne i Hercegovine, kao i obaveze koje propisuju odredbe Člana 20. Uputstva, **a koje se odnose na obavezu rješavanja predmeta prema starosti inicijalnog akta.**

U svrhu dosljedne primjene prethodno navedenih pravnih akata, te u svrhu izbjegavanja disciplinske odgovornosti koju neminovno nosi nepoštivanje istih, podsjećamo na potrebu intenzivnijeg angažmana sudija na rješavanju najstarijih predmeta iz planova rješavanja predmeta, kao i potrebu intenzivnijeg praćenja procesa od strane predsjednika sudova i predsjednika sudskih odjeljenja.

Sekretarijat VSTV-a BiH, Stalna komisija za efikasnost i kvalitet sudova i Visoko sudsko i tužilačko vijeće BiH kontinuirano prate proces rješavanja predmeta iz planova rješavanja predmeta te, u okviru svojih ovlaštenja, stoje na raspolaganju za podršku pri implementaciji aktivnosti i ostvarenju očekivanih rezultata rada.

S poštovanjem,

Predsjednik VSTV-a BiH

Halil Lagumdžija



Dostavljeno:
- naslovu
- a/a